

Vistaglia di sita russu

Chi cci pozzu fari
si m'innamuravu di tia,
forsi cci pinzavu troppu tardu
però pozzu ancòra ricupirari
pensu ca pi l'amuri chiddu veru
nun nnè ma tardu pirchè è sinceru.

Iu sugnu accusi,
nun pozzu canciàri
staiu nfuddennu pi tia,
nni la vita è simpatìa,
mi nn'addugnu ca sempri ti penzu
e capivu puru ca mi niscì lu senzù.

Nta lu sonnu spissu ti vidu
cu na vistaglia di sita russa
chi ti cummoglia ammalappena
lu pettu beddu tunnu e pruspirusu.
Pari ca mi chiama, m'arridi, mi talìa,
sentu prufumu di rosi ca m'ammalìa.

Avi decimila anni ca ti sonnu
ormai t'haiu vistu ntutti li manèri
penzu ca ora fussi lu giustu mumentu
di viditi narni e ossa senza vistimentu.
Vasàriti vulissi sti labbriceddi pi veru
accussi mi livassi stu forti pinzeru.

Nun sacciu cchiù comu ti l'addiri
ti l'haiu dittu cantannu e sunannu
ora ti lu pozzu diri sulu gridannu.
TI AMU, TI AMU, TI AMU,
eccu ora lu ntisi tuttu lu munnu nteru
speriamu ca nun dicinu: si nni fuijeru!

Si t'arriva sta poesia a l'aricchi
è lu me cori chi grida e ti chiama,
nun lassallu sulu, facci cumpagnia
pirchè batti forti sulamenti pi tia.
Lu me amuri iu ti vogliu rigalari
pi stari nzèmmula filici e cantari.

Iu sugnu accusi chi cci pozzu fari
ti vogliu beni chiossà di lu mari.